

吳文節公遺集

吳文節公遺集卷十九目錄

奏議

恭報到任摺

州縣調署太多核實辦理摺

禁革乾脩片

造補師船統歸捐辦摺

覆奏酌減幫費摺

覆奏裁減通壩浮費片

乍浦滿營兵米請歸七縣輪放摺

吳文節公遺集卷十九

男養原謹編

奏議

恭報到任摺

奏爲恭報鑾接印日期叩謝

天恩仰祈

聖鑒事竊臣於七月十五日接奉部文六月二十八日

內閣奉

上諭吳文鎔著調補浙江巡撫卽赴新任等因欽此當
經恭摺具

奏叩謝

天恩卽於七月二十一日將江西巡撫關防移交署撫臣費開綏祇領任事

臣

卽束裝就道遵

旨前赴調任茲於八月二十二日行抵杭州省城二十四日准署浙江巡撫

臣

劉喜海將巡撫關防鹽政印信並

並

王命旗牌文卷等件移交到

臣

當卽望

闕叩謝

天恩祇領任事竊

臣

一介庸愚才識淺薄荷蒙

聖恩畀以封疆重任十載以來仰承

皇上遇事提撕始得稍有遵循方懼無以報稱茲復渥
荷

隆施調補浙江要任伏查浙東各郡濱臨海洋齊波現
與外夷通商事務最關緊要洋面盜風未盡止息尤須
設法督捕浙西各郡錢漕困敝情形無異江蘇辦理諸
多棘手各處海塘工程聞近來亦多形喫重至鹽務引
地界連四省一切督運疏銷均非易易臣才力所限自
揣恐難勝任惟有事事從實處處認真勉竭駑駘以冀
稍酬

高厚生成於萬一除將到任日期另行恭疏

題報外謹繕摺恭謝

天恩伏乞

皇上聖鑒訓示謹

奏道光二十八年八月二十六日奏奉

硃批勉力爲之克副簡調重任欽此

州縣調署太多核實辦理摺

奏爲浙江省實缺州縣調署太多現在飭司分別核實辦理以專責成恭摺奏祈

聖鑒事竊爲治首先察吏而吏治必專責成州縣正印官有經徵錢糧承緝命盜案犯之責實缺人員例不准

無故調署別缺

臣

到任後查浙江各廳州縣共七十七

缺多係署事之員本缺本人者竟不及其半此中或懸缺尙未補人或地方緊要因而揀調實缺人員往署者

固亦有之而缺未空懸地非緊要本可無須調署而紛

紛調員往署者正復不少甚有一員而遞署他缺至二

三處久不回本缺者有卸署之後不回本缺閒住省垣

者以致交代之案愈壓愈多展轉駁算不能清結且察

其接署日期約計均不過在一年上下卽紛紛更動似

此官無定所卽政難考成公事廢弛多由於此殊於吏

治民生倉庫錢糧大有關係

臣

察悉情形卽經札飭藩

臬兩司會同查核應回任者飭令回任如人地不宜才具平常不堪回任者卽分別揭參其實在空缺無人及要地需才必得揀員往署者亦祇准專員署理不得紛紛更調以專責成而清治本臣愚昧之見謂此實浙江省應須整頓急務是否有當臣謹將現在辦理情形恭摺奏

聞伏乞

皇上聖鑒訓示謹

奏道光二十八年九月初十日奏奉

硃批所見甚是依議妥爲之欽此

禁革乾脩片

再臣訪查浙江省風氣各府州縣有一書院而掌教多至數人又有書啟徵號等幕友名色其實均不到館祇係支取乾脩每年或數十金或數百金多寡不等大抵此種習氣多係上司徇紳士游客之情面以薦條示意屬員屬員勉爲應酬而其中蒼猾之員卽隱隱以此挾制上司藉口賠累虧帑項求調劑弊端不可勝言臣已嚴檄通行禁革雖此中人數眾多概行禁絕頗亦有爲難之處然浙江省當此疲敝之時臣受恩深重惟求於

國事有裨一切怨謗均不敢計及是否有當謹附片奏聞伏乞

聖鑒訓示謹

奏道光二十八年九月初十日奏奉

硃批虛浮邀譽之風能不避嫌怨一力禁革洵堪嘉悅
勉爲之無恤其他克副簡調之意欽此

造補師船統歸捐辦摺

奏爲浙省應行造補水師額船請統歸士民捐辦以期
迅速而資緝捕恭摺奏祈

聖鑒事竊照浙省師船前因軍務被燬缺額經前撫

臣

梁寶常於本年四月間會同督

臣劉韻珂

提

臣善祿

奏請造補欽奉

硃批工部議奏欽此欽道在案現尙未准部覆

臣抵任

後察悉洋面盜風尙熾水師各營現存兵船不及原額

之半雖各營均添雇民船配用然爲數恐亦無多難期

得力現在疊准提

臣

善祿咨催造補若不趕緊興工辦

造轉瞬北風當令匪船南駛水師兵弁藉口無船束手

推諉盜劫之風勢將愈熾是此項師船及此趕造已覺

其遲勢難再爲延緩伏查前撫

臣

原奏內稱各營統應

造補大小船共一百三十八隻聲明援照江閩二省成

案依民價估計興辦先由藩司籌欵借墊支用一面再行勸民捐造其藩庫借用之欵在於道光二十一等年鹽商捐項內陸續歸補紳民捐造之船給予獎敘等語原以浙省近年歷辦善後工程士民屢次捐輸或恐力有未逮是以議請籌欵與勸捐相輔而行茲臣檢查接管卷內據紳士等赴前撫臣遞呈情願捐貲脩造前項船工者頗不乏人因前奏未准部臣議覆尙未舉行至原奏所請動用鹽商捐欵臣詢據運使稱現在僅存銀九千餘兩而前項造補船工照民價估辦約計需銀不下四五十萬兩不敷甚鉅仍須勸捐集事浙省士民素

稱慕義若再優予獎敘自更踴躍從公爭先報效凡現
在藩庫亦無欵可以籌墊該士民等旣紛紛具呈願捐
合無仰乞

天恩俯准將前項船工統歸士民捐貲造補將來卽照
浙東善後章程豫工二卯例合現行常例分別實在捐
用銀數仰求

皇上格外恩施給予獎敘以示鼓勵而資緝捕倘蒙
特恩俞允臣卽專委道府大員前赴甯波駐劄督辦事
竣之日由臣核實

奏獎絲毫不准浮濫如此則庫欵無須另籌而船工可

以剋期歲事海洋巡緝有賴捕務不致廢弛矣是否有

當

臣謹

會同閩浙總督

臣

劉韻珂浙江提督

臣善祿恭

摺具

奏伏乞

皇上聖鑒訓示謹

奏道光二十八年九月初十日奏奉

硃批該部議奏欽此

覆奏酌減幫費摺

奏爲查明州縣所給漕船幫費籌議酌減恭摺覆

奏仰祈

聖鑒事竊臣接准部咨奉

上諭前據彭蘊章奏裁減漕船幫費當交戶部議奏茲據該部核議具奏漕糧爲天庾正供自應裁減浮費杜絕積弊使小民樂於輸將州縣易於交兌著有漕各督撫卽將此次諭旨徧示各州縣剴諭各村莊河道漕運各總督及倉場侍郎亦徧示官吏軍民人等一體稟遵勿干功令倘有違者迅卽懲辦另片奏籌辦全漕等語漕務浮費太繁州縣無所賠償以致報災減運希圖節省上年有漕各督撫及漕運倉場衙門覆奏減費等事其浮費每歲裁革若干未據切實聲明著卽體察中外

大局通盤籌畫悉心會議詳晰聯衡具奏等因欽此當經恭錄轉行欽遵出示割諭並飭將漕船幫費查開詳候裁減核奏去後茲據各府查覆前來正在核議覆

奏聞准戶部將議覆兩江督臣李星沅等具奏江蘇省

酌減漕船幫費及片奏漕務情形請各清各弊無須再議聯衡等緣由咨會到臣伏思近年來漕務之弊各處

皆有自應各就地方各清各弊以挽積習浙江省有漕地方僅止杭嘉湖三府二十二州縣額數雖較江蘇爲少而情形與江蘇大略相同各屬辦漕幫費卷查嘉慶二十五年間曾經前撫臣

奏明裁減每石止准津貼銀三錢四錢不得有逾四錢之數所有應給旗丁之調劑錢米兌費加兌峯尖樣米各名目盡行裁除在案茲閱各州縣開報近年貼給正雜幫費核計每漕米一石較前數實已增至數倍且款目紛繁多寡不等名色不一非特一縣有一縣開銷卽一幫亦有一幫名目瑣屑不堪未便進呈

御覽卽臣亦難與之逐款推敲總而言之皆屬浮費若不急加裁減年甚一年誠如

聖諭將來官民交困無術補救惟流弊固須杜絕而立法期在能行該幫丁等領運

天庾正供由次抵通路途修遠用費亦繁所得浮費積
弊相沿已非一日茲若驟行裁革或過於減少勢恐窒
礙難行貽誤公事而各項名目繁瑣亦難按欵裁減臣
悉心籌議應請卽據各屬開報近年所給總數不分欵
項就各府各幫情形一概逐加核減所有嘉興府各屬
幫費最重應減去三成以七折給發杭州府屬應減去
二成以八折給發湖州府屬應減去二成以八折給發
此外不准再有絲毫多索如此辦理各州縣幫費較之
往年所出已頗有節省而各幫船所減無幾辦公仍無
虞掣肘惟旗丁每以挑斥米色爲需索州縣之技若因

不滿所欲指好米爲醜米故意挑剔停斛不兌應責成糧道嚴行稽察據實懲辦並將該管之押領員弁從嚴參處如州縣交兌之米實在低潮卽揭參州縣總須一秉至公使彼此無可藉口至於衿棍之包攬胥役之侵漁州縣之格外苛征病民是在隨時嚴察有犯必懲總期積弊漸清以仰副

聖主裕漕愛民至意是否有當理合恭摺覆

奏伏乞

皇上聖鑒訓示謹

奏道光二十八年十一月二十二日奏奉

硃批另有旨欽此

覆奏裁減通壩浮費片

再臣接准戶部咨欽奉

上諭倉場侍郎議覆確查通壩浮費情形一摺著照所
議卽飛咨有漕各督撫迅飭各該管糧道將通壩細數
逐項查明趁明歲新漕未兌以先由倉場衙門按欽嚴
查分別裁減具奏等因欽此並准倉場侍郎抄摺咨會
議飭糧道傳集各幫在通辦事頭丁令將通壩用款細
帳逐項開送查辦等因當經轉行糧道遵照辦理現在
船未歸次未據開送臣查通壩爲交糧總匯之所更看

經紀賢愚不等幫丁運米交倉一切不得不仰藉於若輩而若輩以費之有無高下其手是以此等陋規不特受者多隱諱不承卽予者亦未肯盡情吐露歷年來疊次飭禁總鮮遵依有名無實茲雖飭令幫丁開呈用帳而幫丁顧慮若輩懷恨刁難斷不敢和盤托出若不實不盡挂一漏萬仍不啻掩耳盜鈴無裨實際伏思浙省幫費現在經臣議

奏請卽據現在數目不分欵項嘉興府屬減去三成杭州府屬減去二成湖州府屬減去二成該幫船等到倉交納一應浮費亦請卽按往年所有之數分別減去三

成二成概以七折八折給發毋庸令其開呈用帳再議逐欵裁減以歸簡易如蒙

俞允卽請

旨勅下倉場侍郎嚴飭吏胥人等遵照辦理毋許額外多索是否有當臣謹附片具

奏伏乞

聖鑒訓示謹

奏道光二十八年十一月二十二日奏奉

硃批另有旨欽此

乍浦滿營兵米請歸七縣輸放摺

奏爲乍浦滿營兵米請改歸嘉興等七縣輸放以專責成而杜諉延恭摺

奏祈

聖鑒事竊照浙江省乍浦滿營兵米從前本與杭滿營兵糈各歸理事同知經營嗣於乾隆三十七年省倉官吏侵虧案內經戶部

奏請改歸杭嘉二府分別管理旋因乍倉離省較遠稽察難周請將就近之平湖縣漕米改抵兵糧以嘉興等六縣應解乍米作爲漕糧兌運經部以嘉興等六縣兵糧改爲漕米數既加多限亦較迫一時並徵轉恐有誤

運行行令轉飭嘉興秀水嘉善海鹽石門桐鄉等六縣
仍前運解平湖縣按期關放并令嘉興府不時稽察在
案計自專責平湖縣經理收放以來歷今數十載從前
嘉興等縣均依期解足無虞貽誤近因各縣徵解延玩
以致收不敷放每由平湖縣籌墊支給現在欠解日多
勢難爲繼雖經嚴札催提而各該縣恃無經放之責總
多遷延殊於兵糈大有關繫臣到任後察悉情形卽與
藩司籌議變通現據藩司劉喜海議請改歸經徵之縣
輪流經放以專責成而杜諉延已自本年十月分爲始
按照憲綱以嘉興府屬之嘉興秀水嘉善海鹽平湖石

門桐鄉七縣按月挨次輸解乍倉米一千六百石會同營員監放過而復始所解之米如有多餘存貯乍倉歸於下次抵放倘有不敷責令輸放之縣立時補解湊給統俟次年兵馬錢糧

奏銷冊內查明各縣原撥米石截出數目核實支銷以清款項仍責成該管之嘉興府不時稽察按月按縣挨次預期行文催運倘有遲延致誤放期卽將該縣照貽誤兵糈例指名

奏參嚴辦該府不認真督催一併附參如此辦理庶各該縣經徵經放責有攸歸不致仍前延玩是否有當理

合恭摺具

奏伏乞

皇上聖鑒訓示謹

奏道光二十八年十二月初五日奏奉

硃批戶部議奏欽此

吳文節公遺集卷二十目錄

奏議

繳銷積引摺

鹽務外支外銷等項請仍照舊辦理片

會議變通鹽務章程摺

吳文節公遺集卷二十

男養原謹編

奏議

繳銷積引摺

奏爲查明兩浙實存各年已完未銷積引籌議繳銷酌
留辦理情形恭摺覆

奏仰祈

聖鑒事竊臣前准戶部咨開議覆前任浙江巡撫梁寶
常奏議覆給事中張修育條奏鹽務情形仍照舊辦理

一摺奉

旨依議欽此查原奏內稱清釐積引一條應請

旨勅下新任巡撫吳文鎔督飭運司核明厯過奏銷未繳之引除正課已完外其內外雜欵有關經費者是否一併全清據實詳報再由該撫覆核奏辦不得含混繳銷以重帑項而嚴考核等因遵經飭司查明據實詳報去後茲據署藩司汪本銓運司蔡瓊詳稱遵查兩浙年額正引八十萬五千餘道餘引十五萬道從前遇引日積壓每於隔數年後銑銷一綱自道光元年前撫臣帥

承瀛

奏明銑銷一次以後經部議駁不准銑銷總係新舊套

搭行運迨道光十五年間前撫臣烏爾恭額因積存正引一百五十六萬餘道不能疎銷

奏明將每綱餘引十五萬道暫行停止以專銷餘引之地一律改銷積引在案茲查前項積引尚有六十三萬餘道未經銷竣而每歲額引又復累積不少溯自十六年至二十一年每年尚可銷至九分上下迨二十二年海疆多事不及兼顧糾私其年僅銷額引四分有零嗣是私梟益形充斥而浙商資本素微因之運滯本虧日形疲乏浙西運商半多退歇數年來僅能銷至七分以上上年因蘇省被水災民船千百成羣沿海溯江而

至雖經蘇省文武迭獲多起而引地河港紛岐私侵仍所不免是以僅銷額引六分以上現在截至道光二十七年分厯過

奏銷爲止實存各年已完未銷積引二百九萬餘道加以十四年以前未銷抵餘積引六十三萬餘道共存積引二百七十二萬餘道厯年正課報撥均絲毫無誤但庫存雜課多係有關經費之欵已徵者旣因抵墊而無存未徵者復因積引而短絀此厯年以雜抵正雜又懸欠之實在情形也現查運庫懸墊待補待徵之雜欵雖非正課均屬有關經費若不急加清釐則新舊引目厯

年套搭綱分益形糾葛而庫墊終難補苴伏思積引之正課均已將遞年雜課墊完報撥此時若將所有積引全行繳銷則有關經費之雜課將歸無著若再全數帶運勢必有礙當年正引額銷自須覈實變通以期逐漸清楚悉心籌議應請酌留二十六七兩年分積引六十萬道查照道光元年前撫

臣帥承瀛

奏案分綱帶運其應如何配搭帶銷不致多佔正引地步之處容俟酌定章程隨時辦理所完課銀先儘內銷雜款各按綱分銀數次第清解以期逐漸歸清其餘積引一百四十九萬餘道全行咨部繳銷以清綱分至專

奏案帶銷積引庶積引不致日壓日多而運庫有關經
費之雜課亦不致久懸無補等情會請覆

奏前來臣覆加查核均係實在情形除嚴飭各屬上緊
緝私實力督銷一面飭司酌定章程隨時妥辦此後每
年

奏銷務期年清年額不得再有積滯倘額引實難銷足
正課總須仍照向章按綱報銷全完聽候部撥所有查
明兩浙實存各年已完未銷積引籌議繳銷酌留辦理
情形理合恭摺覆

奏伏乞

皇上聖鑒勅部核覆施行再此外尚有應行整頓調劑各事宜臣現遵

旨會同臣季芝昌悉心酌議另行恭摺

奏請

聖訓合併陳明謹

奏道光二十九年四月初六日奏奉

硃批戶部議奏欽此

鹽務外支外銷等項請仍照舊辦理片

再查前准戶部咨開議覆前任浙江巡撫梁寶常奏議

覆給事中張修育條奏鹽務情形仍照舊辦理一摺奉旨依議欽此查原奏內開外支外銷及商捐商領等項向係隨引輸納不入奏銷難保無甲商把持累及散商情事仍令遵照前奏章程認真查察總不得逾十一萬餘兩之數倘該甲商日久生玩再有勒捐攤派借領濫銷等弊及該運司仍前通融率行批准者卽予分別治罪嚴叅至酌量用錢一節查該省鹽務外費項下旣有隨引徵輸無關庫欵者則此等銀兩卽可酌改制錢搭收搭放稍紓商力前撫梁寶常並未核實擬議僅稱無裨於商徒滋口實殊未明晰令再詳查奏覆等因遵將

前撫臣帥承瀛及前督臣程祖洛暨前撫臣烏爾恭額
先後查辦各原奏逐一調齊詳加稽核緣浙引厯係滯
銷每屆

奏銷案內先將正課

題報全完其內外雜款仍於銷鹽時按引帶繳從前運
庫收放欵目正雜混淆以致濫借浮增漸啟虧那之弊
自道光十二年前督臣程祖洛清查運庫業將一切浮
費大加裁節明定出納章程仍以元年前撫臣帥承瀛
核定額支銀十一萬餘兩之數作爲準則復於十五年
前撫臣烏爾恭額

奏准積引抵銷餘引聲明不敷庫項係在商捐商領欵內按數提補並將外輸雜費酌減一分期於配商稍輕成本以利轉輸此後歷任撫臣運司均謹守舊章辦理

不惟元年釐定之數一無加增且將年例支銷隨時樽節該甲商等實無派攤把持仍前浮濫至奉部核議隨引徵輸無關庫欵銀兩即可改錢收放一節查外輸引費絲斤津貼等項已於前奏聲明分別報部此外隨引捐輸各善欵均於庫項無關卽經由司飭傳該甲商金兆紳等切實查詢據稱行銷浙鹽口岸分隸四省售出鹽價錢文道遠數多艱於轉運向在各地易換銀兩赴

省納課所捐地方善款數甚零星隨繳隨領欵復瑣碎
以此改錢收放殊多周折更恐盤串揀剔易啟胥吏留
難之弊等語此項善款係由該商等好義樂輸旣在行
銷口岸以錢易銀隨引帶納設再令其易錢繳領輒轉
稽遲是欲恤商而轉增商累等情據署藩司汪本銓運
司蔡瓊會詳請

奏前來臣復加察核無異應請仍照舊章辦理謹附片
具

奏伏乞

聖鑒勅部核覆施行謹

奏道光二十九年閏四月初六日奏奉

硃批戶部知道欽此

會議變通鹽務章程摺

奏爲遵

旨會議浙省鹽務酌籌變通章程請加斤減則裁費緝私以紓商困而裕帑項恭摺馳奏仰祈

聖鑒事竊臣季芝昌四月十四日清江差次奉到

上諭耆英現在患病所有浙江營伍著改派劉韻珂於
本年秋冬前往認真簡閱季芝昌著仍遵前旨前赴浙
江會同吳文鎔將浙江鹽務及清查倉庫各事宜悉心

酌核辦理均毋庸閱伍等因欽此遵卽帶同戶部郎中
王映斗員外郎鍾秀十六日由清江起程先於鎮江途
次行客浙江撫_臣轉飭該運司蔡瓊將近年辦理鹽務
情形確切查明據實詳覆以憑至日會同酌核嗣於閏
四月初一日行抵浙省當復札飭該運司將額引累否
不致滯銷引地果否不致虛懸浮費有無刪減巡緝是
否得力如何可以恤商便民如何可以靖私衛引等情
卽日詳覆旋據該運司將近年額引缺銷數目商力疲
乏情形詳覆前來_臣當卽督飭隨帶司員將該運司造
送厯年額引銷數商輸科則各清冊按欽勾稽詳加查

核一面會同臣吳文鎔再四熟商通盤籌畫推究商情
疲累之由銷岸暢滯之別務期因地制宜宜補偏救弊俾
疲者振作滯者疏通暢者亦得保全以仰副

聖主整飭鹹綱之至意伏查浙江鹽務應徵正課年清
年欵此較長蘆山東爲愈惟額引並未全銷厯係以內
外雜欵通融撥解未徵者尙懸欵待徵已徵者又墊缺
待補數年以來報銷額引僅止十之六七成引滯商疲
已可概見若不亟圖整頓勢必至引愈滯商愈疲無欵
可墊正課亦虧與其補救於積敝既深之後莫若調劑
於受累未極之先因仿照長蘆山東加斤減價章程妥

爲籌辦但彼此各有情形辦理難歸畫一長蘆山東屢請加價是以議減浙江向遵例價商民相安行之已久且長蘆每引加鹽一百五十斤減價二文山東每引加鹽七十五斤減價一文均免其加課浙江現議加斤其多者止及山東之半援案計數應減半文爲數甚微自可毋庸置議惟既不減價應仍令覈計所加斤數加納正課於帑項亦有裨益其額引斤數本多無可議加者酌籌減則之法庶於恤商裕課可期有濟查浙省引地向分杭嘉紹松溫台六所除溫台二所及各所肩住票引引目無多科則本輕應仍照舊辦理外其杭嘉紹松

四所各按引目之多寡體察行銷之暢滯或分別加斤
或核減科則所有引地陋規及巡驗濫費統行裁革卽
商捐商領之欵亦經臣吳文鎔查照元年前撫臣帥承

瀛釐定之數隨時樽節有減無增奏明在案至私鹽充
斥最爲官引之害向來官商均有巡緝之責而互相諉
卸經費徒糜又所獲鹽斤一例變價充賞往往將正引
佔擋自應嚴定章程稍爲變通以期得力其口岸虛懸
之處飭令該運司迅速選商接辦並籌借帑本官爲轉
運補其不足如此力加整理層層籌議加斤減則成本
既輕獲利斯厚而又革規費以杜需索借帑本以濟運

資緝私分責官商則隣販無虞侵越獲私分別充賞則
正引可免佔停當經該運司取具各商甘結加具印結
送呈附卷並曉諭商人經此次調劑之後務當發發天
良源源捆運俾綱引正供日有起色倘仍前惰玩卽嚴
行懲究此外尙有未盡事宜應由撫臣隨時督同通司
妥議核辦謹將臣等公同酌議條欵敬繕清單恭呈

御覽所有臣等會籌監務變通章程緣由是否有當理
合恭摺馳

奏伏乞

皇上聖鑒訓示謹

奏

一杭嘉紹三所引鹽宜分別加斤止令完交正課也
查杭嘉二所引地淮私最易淆混雖屢經撫臣咨

會緝獲多起而一水之地侵越充斥究所不免且
值銀貴之時銀錢轉易商本多虧以是引銷多滯
及時籌畫莫如恤商而恤商惟有加斤一法至紹
所引岸多居腹地私侵較少但口岸遠在上游轉
運艱難費用綦重現雖引銷較暢亦應酌量調劑
以期厯久不疲杭嘉二所議於每引例捆三百三
十五斤外加鹽四十斤紹所議於每引例捆三百

三十五斤外加鹽二十斤所加之鹽止令完交正
課卽自戊申綱爲始按數報部撥解免輸內外雜
欵並飭該商隨同額引并包捆運以杜弊竇綜計
三所加增鹽數無多不至佔礙正引地步而雜欵
免其交納商有餘贏庶可踴躍運銷疲岸漸暢而
暢岸亦見溢銷矣

一松所引鹽宜酌減科則也松所引地濱臨海口梟
私充斥尤爲兩浙極疲之岸第每引例捆鹽四百
斤已屬重於他所礙難再加既不能加斤議於科
則內無關報部之欵設法刪減如籌補報効廟工

引費雜費貼解等項每引分別核減五錢內外較之三所加斤餘利有多無少庶商力稍紓而於正欵亦無關礙

一虛懸口岸宜選商接辦並籌欵收鹽也嘉所引地如丹陽靖江松所引地如昆山新陽青浦上海南匯認配各商或已斥退或已停歇或一地數商而退歇居半是虛懸口岸益易售私應由該運司迅速選商充補並先於雜欵內暫籌銀二三萬兩委員赴場將籠戶之鹽收買屯貯厥所俟配商捆運時再行繳價歸欵免其繳息如此輒轄收發庶商

本不佔月利而轉運速竈鹽有官收買而漫私可免矣

一緝私宜分別責成官商並由運司審核以期方有司本有緝私督銷考成各武營衙門向有例給緝私經費應定立章程如兩月不報獲大起而銷數又復短絀應核其所短之數分別扣成給發經費其商人自辦巡緝應責令實力辦理如有獲犯皆歸運司審究罪名重大者發州縣核辦其餘賞罰悉由運司酌定總令各口岸必按額有一月存鹽於一月數外再輒驅運鹽赴地銷售如於一月存

鹽外又積有一月之鹽不銷專責官以惰緝如後鹽不繼銷及一月存鹽之數專責商以惰運如此互相鈐制庶商人不能藉口私充而誤運地方官亦不能藉口無官鹽而惰緝矣

一緝獲私鹽宜變通舊例分別充賞及補課作正配銷也查禁緝私鹽原慮其佔銷正引地步若獲私不論多寡一例變價充賞則是銷賣雖有官與梟之別而其佔銷數則一也應定立章程如四千斤以下者爲數無多卽全數變價充賞五千斤以上者應以一半變價充賞一半卽令商人補課作正

引配銷五萬斤以上者以三成變價充賞以七成
令商人補課作正引配銷庶兵役不至以廢賞而
退縮正引亦不至以變私而佔擋矣

一引地陋規宜禁革也地方官向有鹽店陋規其數
自數百兩至一二千兩參差不齊並有預借一年
半年者又有前任已收而後任重索者相沿已久
不能究其既往嗣後應一併嚴行裁革其引地各
衙門書役硃費貼差等名目概行革除有發照例
究辦

一巡驗浮費宜核裁也查杭嘉松三所一切巡緝經

費均係實用實支尙無浮濫惟紹所有門巡所巡等名目其巡緝之人由運司詳委而經費由商人自給恐其中不免浮冒應請嚴行裁禁以後責成運司隨時查察倘有借端歛派卽提本商究革其各所運鹽經過橋關如例應查驗各官有需索留難等事一經發覺卽行究懲庶浮費盡除而商力益臻寬裕矣

道光二十九年閏四月十五日奏奉

硃批

吳文節公遺集卷二十一

目錄

應造軍船酌量推緩摺

會議清查歸補杜虧章程摺

吳文節公遺集卷二十一

男養原謹編

奏議

應造軍船酌量推緩摺

奏爲浙江省應造滿號軍船請酌量推緩以節造費而紓
丁力恭摺

奏祈

聖鑒事竊照浙江省起運漕船一切運造錢糧均由各
屬徵收漕白等款解道支放近年以來因各屬民困官
疲未能依期徵解不敢運用歷於藩運二庫籌借湊濟

本屆起運新漕復因屬解短絀一切運費支放不敷經
臣

奏請於藩運二庫借款濟用勒限催解還款在案至浙
省帮丁素多貧乏近因百物昂貴每造一船除例給料
價銀八百兩外尙須賠貼銀八九百兩幫情竭歷亦亟
須設法調劑臣與藩司糧道悉心籌計因思上年接閱

邸鈔湖南省湖北荆右衛旗丁程遠甘棠貴等因屯田
無收力乏造運經湖南撫臣奏請停造欽奉

上諭自道光二十八年起暫停造運十年該船應運漕
米分灑荆右汎陽二衛各幫帶運其應得京腳行月耗

贈銀米分給帶運丁船俾資津貼等因欽此欽遵在案
查浙江省漕自二十一幫共額設軍船一千一百餘隻
十年滿號成造內金衢嘉海分所核計其餘各幫係按
幫請造每屆各按額運船隻加一輪減留次存造每年
共計成造船一百一十餘隻計共需銀九萬數千兩今
擬量爲變通每幫每所各請緩造一船每屆計可緩造
船二十三隻可節省造費銀一萬八千餘兩既可湊濟
別項運用支款免致起運時羅掘籌借而少造一船各
幫丁卽少賠貼銀八九百兩於疲丁亦大有裨益其緩
造各船應兌漕糧卽於本幫各船內分灑帶運應領行

月銀米隨糧攤給實運丁船以資津貼在各船灘帶無
多不虞負重而每幫少造一船可紓丁困據署藩司汪
本銓糧儲道毓衡援案會議詳請具

奏前來臣覆核無異合無仰懇

天恩俯准將浙幫每屆應造軍船量爲變通每幫每所
各緩造一船以甲年應造之船推入乙年成造遞相展
緩週而復始以節造費而紓丁力其緩造各船應兌漕
糧卽於本幫起運各船內分灘帶運應領行月等款隨
糧攤給實運丁船俾資津貼所節造費銀兩藉以湊濟
運用別款如有盈餘或無須湊濟卽令入冊報部候撥

統俟十年後丁力充裕仍行照舊成造以符定制是否有當

臣謹

會同閩浙總督

臣

劉韻珂漕運總督

臣

楊殿邦恭摺具

奏伏乞

皇上聖鑒訓示謹

奏道光二十九年閏四月二十九日奏奉

硃批該部議奏欽此

會議清查歸補杜虧章程摺

奏爲清查浙江省各屬倉庫亟宜核實歸補嚴杜續虧謹酌議章程恭摺馳

奏仰祈

聖鑒事竊照浙省清查事宜前經臣等核明各屬實在
那缺銀米倉穀各數繕具清單會

奏在案伏查州縣倉庫錢糧

國帑攸關絲粒不容短絀既查出實虧之數而不亟爲
籌補則舊虧仍屬虛懸既查明致虧之由而不密爲防
維則新虧尤難杜絕惟是歸補之法必須因時變通查
道光二年浙江省清查概歸攤補惟時各缺尙稱完善虧
項亦不甚多分限勻攤尙易爲力此次清查統計銀穀
兩項多至三百九十餘萬兩體察各屬又值彫敝之時

循某派攤必難補足且各州縣以辦公支絀任意那移
雖與侵盜不同究有應得之咎現沐

聖恩寬其既往已蒙

逾格鴻慈若將那缺之款再歸通省代攤而原虧之員
轉得置身事外揆諸情理亦覺未得其平是以臣等已
將那墊三萬兩以上之前富陽縣知縣楊燦基等

奏叅革職勒追此外各員均應各予處分勒限追繳其
處分之重輕限期之遠近應卽核其那數量予區分以
昭平允如各員中追不足數卽由原任上司按成分賠
或各上司力難代完並由本省各官分成提補其應追

款內有欠在吏胥差保者尤須嚴予比追有抵以房屋
什物者亦須速爲估變庶使玩法之輩無可倖逃懸抵
之銀悉歸實在惟軍需工程一項原係奏准攤補未便
再議追賠自應專款剔除立限分攤以符奏案凡此追
賠攤補之款銀必悉數解司除穀價以外概行報撥米
必勒期採買除留南以外儘數運通務令未完者依限
清完無著者盡歸有著以期倉庫兩項漸臻充裕第思
事貴清源法先杜弊與其追補於旣虧之後孰若防範
於未虧之前查州縣積弊非解少徵多卽那新掩舊甚
或立款浮抵私議流攤以正項之錢糧徇同官之情面

轉輶移交遞相接受種種弊竇其故皆由於交代不嚴稽查不力所致自宜參酌舊例實力奉行每遇交替則嚴禁濫接濫交使前後任不敢瞻徇容隱核有徵存則按數儘提儘解使上下忙不能欺飾掩那似此互爲盤查嚴行提解則存款無從留匿卽屬庫無事抽查而此後之虧那自可冀其永絕至於地方應用公項或例無支給或例價不敷固不得不藉資州縣公捐用以貼補第當此積弊相仍尤宜力求撙節應減則減應裁則裁於公用省一分捐資即可爲各屬補一分正項積少成多亦足爲補弊救偏之法溯查嘉慶二十二年間安徽

省清查章程會議酌提優缺羨餘津貼累缺預扣各員
廉款彌補舊虧此亦因地制宜之計現查浙江省州縣各
缺優劣不相上下並無羨餘可提其養廉一項統計院
司道府州縣年額銀十一萬餘兩現有原議外攤應扣
鄞縣鎮海定海無著銀米及歸安奉化兵差經費等項
尙未扣足合之年額應扣捐款每年已逾五成若仍照
案預提辦公不免竭歷惟分賠之數議歸本省提成分
補勢不能不取給養廉雖目前不能兼提而日後仍須
核扣應俟前項攤款稍輕隨時分別酌提備撥庶公項
不至偏廢而賠項亦可補苴矣總之理財之道首在用

人率屬之源先須潔已黜浮卽以崇實大法斯能小廉
自當各予創懲俾知共相砥礪如該州縣有貪婪不職
及借端侵虧者各上司嚴行查叅如各該府有不能表
率或徇庇屬員者由司道據實揭報至藩司爲錢糧總
匯之區有稽查倉庫之責如果出納不慎糾察不嚴卽
將藩司叅處是整飭官方卽所以嚴杜虧缺於

國計實有裨益除現在查出虧數飭令該藩司分年分
縣趕造四柱清冊總在

欽限八箇月內送部存核並分造按任追賠細冊隨後
咨部備查外謹將臣等會同酌議彌補舊欠杜絕新虧

正封卷之三十一
章程條款敬繕清單恭呈

御覽所有臣等會議緣由是否有當理合恭摺具

奏伏乞

皇上聖鑒

訓示遵行再臣季芝昌拜摺後卽率同隨帶司員啟程

回京覆

命合併聲明謹

奏

一追補宜嚴定處分期限也查浙江省倉庫兩項現已核實查出那墊確數自應一律趕緊追補惟不明

立限期嚴定處分恐徒有追繳之名仍無歸補之
實查嘉慶二十三年戶部議覆安徽清查分限追
補章程三四萬兩以上者革留摘頂今浙江省已將
三萬兩以上各員奏請革職勒限半年完繳係較
安省從嚴加緊辦理其虧墊在三萬兩以下之員
應請照原定章程五千兩以下者降二級留任限
一年全完開復五千兩以上限二年每年各繳一
半一萬兩以上限三年每年各繳三分之一二萬
兩以上限四年每年各繳四分之一俱革職留任
統限屆滿全完者准予開復逾限不完及完不足

數革任監追查產作抵不敷銀兩仍勒限一年全
完免罪如仍不完照例辦理其欠項著落上司分
賠惟查應追各員內有業已升任者廉俸較厚有
丁憂告病勒休降革者設措較難情形既各有不
同追限宜量爲區別應請將升任道府人員照現
任限期酌緊一半丁憂告病勒休降革人員照現
任限期酌展一半病故之員有子孫現任知縣以
上者仍照現任定限著追如係候補州縣以下等
官及故員子孫未仕者照丁憂告病人員酌展追
完免其先行降革亦照安省章程辦理以期周密

一分賠宜變通酌辦也上司分賠屬員虧空定例知
府五成薄司巡道各二成巡撫一成係按照本員
追剩未完銀米各數分別著賠浙江省此次清查年
分久遠其中降革病故人員現雖於本員及家屬
名下儘數著追但日後追不足數及查實家產盡
絕者當亦不少若將追剩銀米概行照例分賠恐
爲數過多籌措無術仍於帑項無裨應請酌量變
通於本員及家屬儘數著追完繳之外按其未完
分數提出四成由浙江省捐廉酌核銀數分限歸補
其餘六成仍作十分計算照例分賠其分賠起限

日期應以本員著追無完治罪及咨報人亡產絕文到之日爲始照現擬追補章程期限辦理似此分別酌辦庶賠數稍輕而追繳可期核實矣

一書差欠宜嚴追著賠也查浙江省積弊花戶完納稅糧並不自封投櫃多由書差領串追繳繳不足數該書差等無不藉詞民欠轉輾延宕每遇交代卽將欠數責令書差具限列冊移交後任官查其欠繳屬實不能不照案接收迨接收之後本任又有書差欠繳之款卽不能兼顧前任應追之銀因之愈積愈多漸成鉅欠現已悉數查出應責成現任

嚴行比追勒限一年繳足追不足數責令將原領印串繳出另差錢追如無原串呈繳卽有侵用情弊應將該書差監追抄抵治罪其欠數著落經放與厯任惰追之員各半分賠其分賠年限應請照現擬追補期限辦理其書差欠繳倉穀亦應照前分別追繳著賠此外尙有因公借欠及因公賠繳之款究與侵盜不同或由該書差按年分繳或在於本官捐給飯食項下提釐扣還應准照案歸補惟原案年限遠近不等帑項攸關未便久懸應勒限五年追補補不足數書役抄抵治罪經放等員

照章著賠再查浙省尙有書補一項有前書欠繳後書認補者有本官因公勤缺由經書代爲認補者該書等既有本身應繳之款復以他款責令代補勢必那東補西有名無實均應仍歸本員及故書家屬名下分別追繳其追不足數之銀仍請照章查辦自此次清查之後倘有書役虧欠遇案卽辦不准再有書差欠名目如交案內仍有將書差欠含混接收者著落後任獨賠以爲濫接者戒一軍需案內墊辦工程宜分限攤補也查浙省道光二十年間軍需案內各廳州縣有墊辦修築堡寨

橋梁道路開挖濛溝給過壩夫工食等項銀兩除
例准報銷外尙有不敷經前撫

臣

於道光二十四

年六月間奏明由外分攤還墾奉部覆准在案現

在自應截清銀數遵照奏案攤補還款應請將從

前藩司批准有案共銀十五萬六千一百餘兩酌

分十年歸於通省按限分攤仍以缺分之大小分

攤數之多寡俾昭平允至此外尙有先據各縣稟

報興修或冊報墊辦續後飭府確查未覆者當時

因原報之案恐非盡實是以飭府確查現已事閱

多年仍未據該府查辦顯有不實應即概行剔除

並將原案註銷以杜冒濫而絕弊混

一流抵房屋什物宜勒限變價也查州縣倉庫錢糧絲粒均應實貯乃浙江省交代輒以房屋什物流交作抵此卽那墊之一端現查出流抵銀十一萬四千餘兩均應勒令現任趕緊變價一千兩以下限半年一千兩以上限一年三千兩以上限二年埽數變齊變不足數著落原交流抵及歷任濫接之員各半分賠其追賠限期卽照現擬章程辦理如實係人亡產絕賠不足數著落該管道府攤賠清

款

一倉庫宜分別歸補也查浙省錢糧款目繁多如地
丁正耗及外賦稅鈔租課等類應解藩庫鹽課水
鄉等項應解運庫漕白等款應解道庫在定例各
項錢糧本係統徵分解惟清查係藩司主政現在
各屬那墊銀數係將地漕鹽課統計在內此後追
補銀兩若仍令分解各衙門則此完彼欠稽核較
難應請將清查案內凡有冊報那墊銀款不論何
項一律由藩司勒提追補其攤存銀亦一併提解
司庫按季報撥至應追盤缺霉變倉穀一項各屬
冊報穀價多有參差應請照前屆清查奏案每石

概定折價銀一兩並將追補價銀提貯司庫乘時
發價飭買如本員願將缺穀買補亦准其自行買
穀繳倉統責成該管知府親詣盤量並出具如有
短少願甘賠繳切結呈送仍由藩司委員復盤抽
查倘有報多買少情弊卽照例嚴叅追賠似此明
定章程庶稽查易於核實而銀穀不致虛懸矣

米價宜核定追繳也查浙江省各屬冊報徵存米石
多係那缺墾解折價列冊核計每石自一兩零及
二兩三兩至四兩零不等就各處情形而論米價
低昂不能畫一但細核各冊竟有同一米石而存

價與墊價不同前任與後任互異祇緣前後任自相核算向不詳報上司以致任意高下減存浮抵顯係取巧那掩此次清查現已悉數查出自應分別更正其列存漕米應比照金台米折成案每石折買銀一兩六錢並另加津貼銀四錢以作兌費之用所有追起米折一槧提貯司庫於每年冬漕時發交現任買米交幫搭運如本員願繳米石亦與繳銀無異應令其自行交幫以取到幫收之日起爲該員完繳之米方歸實在現查各屬那缺漕米共計三十萬石有零此係土關

天庾更不容稍事延緩無論追賠攤補應先儘漕米分限六年搭運交通至南米一項應照嘉慶二十五年留南餘米變價奏案每石列墊銀數以二兩八錢爲率其冊列浮抵銀數卽著落原墊之員按任追賠至原列墊價本在二兩八錢以下者應循其舊不准再議加增其那缺米石如本員業已解放取有聯收支單呈驗者准其扣除如該員那缺之米已由後任代放列抵庫項者應卽追補原存米價提貯司庫撥抵原動庫項如此分別定價則存墊兩得其平銀米兼追則漕南均歸有著矣

一交代宜勒限速結也查浙江省交代未結各案尙有一百七十餘起之多現在清查案內雖已將各任那墊銀款悉數查出惟按任細數尙難剔清界限應由藩司將各屬未結交代勒限兩箇月埽數算清並將應交銀兩儘數提解司庫彌補清查案內那缺銀款此後各任交代責成該管知府依限督算結報如遲至二叅限滿尙不出結又不揭報卽將新舊任一併嚴叅如後任徇情接收虛出通關卽惟出結之員是問至各州縣交代向有浮墊濫抵流攤各款此次清查現已核實釐剔分別追賠

嗣後應將流攤名目嚴行禁革如仍有私議分攤者卽將後任察賠如有稟府立案而該府不卽時稟叅或批准流攤者著落知府獨賠以杜續虧而絕流弊

一錢糧宜嚴密查提也查州縣徵收錢糧例應按忙分完次年奏銷但一至次年而次年新賦已屆應徵即可以乙年之上忙那辦甲年之奏款是以嚴提上下兩忙爲杜絕虧那之法而嚴提上忙尤爲緊要惟欲嚴提解尤重稽查定例州縣錢糧收數十日呈報道府一次年終檢查簿串呈送道府核

明轉報稽查之法本極周詳而浙省各屬尙有那
缺墊解者皆由查核不嚴催提不力以致百弊叢
生自宜申明定例責成該管知府認真查辦無論
新舊民欠督令實力催徵不准稍事情悞如有徵
存銀兩責令悉數批解不得絲毫匿留並令該管
知府將各屬收數按旬摺報藩司一次併飭各屬
將實徵紅簿一律送府鈐印飭發徵填如有徵多
解少立卽嚴提提不足數隨時叅辦如有徵數較
少者卽吊查府印徵簿縣存串根尙有以多報少
情弊從嚴叅究總期嚴督各屬儘徵儘解俾兩忙

四庫全書

歸方道集

卷二十一

一
口

歸數提清則上忙那掩之弊不禁自絕矣

一公用宜酌量節省也查浙省地方每遇事出因公或例無支給或例價不敷不得不藉州縣廉銀以資貼補然於公項多一捐資卽於州縣多一用款當此積弊相仍自宜力求撙節通盤籌畫其中有可以全行裁汰者有可以酌量折減者有可以搭放錢文者如站船駢馬津貼營硝不敷加價等類站船已成虛設現議革除歲修駢馬本有例支未便再請津貼至採辦營硝例價外已給津銀更不得再請加價凡類此者卽應裁汰又如採辦演銅

油茶架木管解餉銀甘緞津貼路費等類原議津
貼稍優現當庫款支絀之時未便仍前給予任聽
虛糜凡類此者卽應按照原數分別酌減他如各
衙門書吏紙劄薪水及各役工食等項曩時給銀
一兩合錢祇值千餘辦公並無不敷現在銀價幾
增一倍而工食仍照原數給發是其暗中加增實
已浮多凡類此者應搭放錢文此外如監餉船價
提塘報資省京各塘油紙包封塘兵油燭救火器
具滿營工程冊箱告示工價科場考試閱兵經費
及年無定額隨時動用之解犯盤費修理站塘橋

路等項一切公用均不無應裁應減之處統由藩司分別核定詳明撫臣察辦總期要公無誤浮費悉除明以節各項之度支卽隱以培屬員之元氣日計不足月計有餘於補偏救弊之方實有裨益道光二十九年五月初八日奏奉

硃批